

卷一百五十九



書名 杜氏通典二百卷 嘉靖十八年西樵方獻夫刊本
 撰者 唐 杜佑 撰, 明 王德益、吳鵬 同校
 卷 卷一百五十九
 內容分類 史 政書 歷代通制
 索書號 貴重-17
 編號 B3510400

杜氏通典卷第二十五

職官七

諸卿上 總論諸卿
 少卿附

奉禮郎 主簿 博士 太祝
 太樂署 鼓吹署 兩京郊社署
 太卜 廩犧 汾祠 太醫署

太樂署 主簿 掌醢署 太官署 珍羞署
 太卜 主簿 太官署

良醞署 主簿 掌醢署 太官署
 丞 主簿 太官署

丞 主簿 武庫署 武器署
 守宮署 主簿 武庫署 左右都候
 丞 主簿 武庫署

丞 主簿 崇玄署
 丞 主簿 崇玄署

丞 主簿 乘黃署 典廩署
 丞 主簿 乘黃署 諸牧監

丞 主簿 車府署 諸牧監
 丞 主簿 車府署

司直 評事 監 獄丞
 司直 評事 監 獄丞

彩色首頁1

東洋文化研究所漢籍目錄 編號: B3510400
 東洋文化研究所漢籍目錄所藏漢籍善本文影像資料庫 索書號: 貴重-17
 漢籍善本文影像資料庫文本杜氏通典二百卷 嘉靖十八年西樵方獻夫刊本
 版權所有: 東京大學 東洋文化研究所
 使用上的注意事項

杜氏通典卷第一百五十八終

通典卷第一百五十九

兵十二

按地形知勝負

自戰其地則敗

據險隘

塞險則勝否則敗

死地勿攻

必攻有法總論其地形附

勵士決戰

衆寡勢有相懸勵士攻其師

乘卒初銳用之激怒其衆

孫子曰地形者兵之助故用兵有散地有輕地有爭

地有交地有衢地有重地有圯地有圍地有死地也

九者凡諸侯自戰其地為散地戰其境內之地士卒

故名散地入人之地而不深者為輕地入人之地未深意

輕地我得則利彼得則亦利者為爭地謂山水阨口有險固之利兩敵

斬我可以往彼可以來者為交地來交地者數道無可絕往諸

侯之地三屬我與敵相當先至而得天下之眾者為

衢地先至其地交結諸侯之眾為助也入人之地深倍城邑多難以

返者為重地難返還也背去也倍與背同多道里多也遠去已城郭深入敵地心專意一謂

之重行山林險阻沮澤凡難行之道也為圯地險固也

音皮美反所由入者隘所從歸者迂彼寡可以擊吾

眾者為圍地所從入阨險歸道遠也恃久則糧乏疾

戰則存不疾則亡者為死地前有高山後有大水進

絕糧故為死地者當及士卒尚是故散地則無戰

飽強志殊死戰故可以俱免也是故散地則無戰

顧家不輕地則無止志未堅不爭地則無攻

得其地者不可攻交地則無相絕相及屬也俱可進衢地則

合交交結於重地則掠蓄積糧食入深士卒圯地則

行無稽留圍地則謀發奇謀也則當權死地則戰

也是故散地吾將一其志輕地吾將使其屬

也選師當安道保行然令爭地吾將趣其後

相屬續以備不虞也爭地吾將固其結

負故從其後使相反也交地吾將固其結

衢地吾將謹其市衢地四通交易之地市變事之端

諸侯重地吾將繼其食將掠彼也深入當圯地吾將

進其塗疾行無留圍地吾將塞其闕以一士心也塞

也意死地吾將示之以不活井夷示之無活必殊死

戰又有通有掛有支有隘有險有遠此六地之名教



則勝我可以往彼可以來曰通謂其在平陸往來通利也居通地

先據其地居高陽利糧道以戰則利寧致於人已先據高

地分爲屯守於歸來之路無使敵絕其糧道也可以往難以返曰掛地掛相牽

也掛形者敵無備出而勝之敵有備出而不勝難以

返不利敵無備出攻之勝可也有我出而不利彼出

而不利曰支支又相持也支形者敵雖利我我無出

也引而去也令敵半出而擊之利去無出遂待其引

而擊之可敗也隘形者我先居之必盈之而待敵盈滿也

形欲使敵不得進若敵先居之盈而勿從不盈而從之隘形者兩

山之間通谷也敵怒勢不得捷我也先居之前必齋

隘口陣而宗之以出奇也敵即先居此地齊口陣勿

從也即半隘陣者從而與敵共爭此地也險形者我先居之必居高陽

以待敵居高陽之地待敵人從若敵先居則引而去

勿從也雖險先據不未遠形均勢難以挑戰戰而不

利挑迎敵也遠形去國遠也地均凡此六者地之道

也將之至任不可不察也故曰深草翁穢者所以遁

逃也深谷阻險者所以止禦車騎也李靖曰此車騎之敗也隘塞

山林者所以少擊衆也衆少可以夜擊敵也沛澤杳冥者所以

匿其形也是以塗有所不由拒難之地所以不當從

也道雖近而中軍有所不擊軍雖可擊以地險難入

薄也窮困之卒隘陷之軍不可攻地有所不爭也皆

爲死戰也嘗利守之以待隙也上同曹公曰操所以置華費而得入徐州○凡地有

絕澗遇天井天牢天羅天陷天都必亟去之勿近也



不許複製
NOT TO BE REPRODUCED
東京大学東洋文化研究所

山水深大者為絕澗四方高中央下者為天井深水
大澤葭葦蒙籠所隱蔽者為天牢可以羅絕人者為
天羅阨湖泥濘地形陷者為天陷山澗迫狹地形吾
深數尺高數丈者兵陵坑坎地地形堯堯者天都也
遠之敵近之吾迎之敵背之用兵常遠六害令敵近
凶矣此六者當迎不當皆也不知山林險阻之形者不能行軍石
崇者為山衆樹所聚為林堆者為險一高一下者為
阻水草坑塹為沮衆出所歸而不流者為澤不先知
軍之所據及山川之形者則不能行師也

按地形知勝負

周書陰符太公曰步貴知變動車貴知地形騎貴知別
徑奇進故三軍同名異用可往而無以還者車之死地
越險絕阻乘敵遠行者車之竭地前易後險車之困地
容車貫阻出而無返者車之患地左險右易上陵仰

坂車之逆地深塹黏土車之勞地隱帶橫敵犯歷深
澤者車之壞地日夜霖雨旬月不止泥淖難前車之
陷地凡騎以陷敵而不能破敵敵人走以步騎反擊
我後此騎之敗地也追背踰限長驅不止敵伏我兩
傍又絕我後此騎之困地也往無以返入無以出陷
於天井填於地牢此騎之死地也所由入者隘所由
去者遠彼弱可以擊我強少可以擊我衆此騎之沒
地大澗深谷叢穢林草此騎之竭地左右有水前有
大阜後有高山戰於兩水之間乘敵過邑是謂表裏
相合左有深溝右有峭坑高下與地平覩之廣易進
退相敵此並騎之陷地汗下沮澤進退漸如者騎之

患地拙將之所以見擒明將之所務避也。○周末吳子問孫武曰吾至輕地始入敵境士卒思還難進易退未背險阻三軍恐懼大將欲進士卒欲退上下異心而敵盛守脩其城壘整其軍騎或當吾前或擊吾後則如之何武曰軍在輕地士卒未專以入爲務無以戰爲故無近其名城無由其通路設疑佯惑示若將去乃選驍騎銜枚先入掠其牛馬六畜三軍見得進乃不懼分吾良卒密有所伏敵人若來擊之勿緩若其未至捨之而去。○又問曰爭地敵先至據要保利簡兵練卒或出或守以備我奇則如之何武曰爭地之法讓之者得求之者失其敵得處慎勿攻之引而佯走建旗鳴鼓趣其所愛曳柴揚塵惑其耳目分吾良卒密有所伏敵必出救人欲我與人棄吾取此爭先之道若我先至而敵用此術則選吾銳卒固守其所輕兵追之分伏險阻敵人還鬪伏兵旁起此全勝之道也。○又曰交地吾將絕敵不得來必全吾邊城脩其所備深絕通道固其阨塞若不先圖敵人已備彼可得來而吾不可往衆寡又均則如之何武曰旣吾不可以往彼可以來吾分卒匿之守而勿怠示其不能敵人且至設伏隱廬出其不意也。○又問曰衢地必先吾道遠發後雖馳車驟馬至不能先則如之何武曰諸侯參屬其道四通我與敵相當而傍有

國所謂先者必重幣輕使約和傍國交親結恩兵雖後至衆以屬矣簡兵練卒阻利而處親吾軍士實吾資糧令吾車馬出入瞻候我有衆助彼失其黨諸國倚角震鼓齊攻敵人驚恐莫知所當○又曰吾引兵深入重地多所踰越糧道絕塞設欲歸還勢不可過欲食於敵持兵不失則如之何武曰凡居重地士卒輕勇轉輸不通則掠以繼食下得粟帛皆貢於上多有賞士無歸意若欲還出切爲戒備深溝高壘示敵且久敵疑通途私除要害之道乃令輕軍銜枚而行塵埃氣揚以牛馬爲餌敵人若出鳴鼓隨之陰伏吾士與之中期內外相應其敗可知○又問曰吾入



地地山川險阻難從之道行久卒勞敵在吾前而伏吾後營居吾左而守吾右良車驍騎要吾隘道則如之何武曰先進輕車去軍十里與敵相候接期險阻或分而左或分而右大將四觀擇空而取皆會中道倦而乃止○又問曰吾入圍地前有強敵後有險難敵絕糧道利我走勢敵鼓譟不進以觀吾能則如之何武曰圍地之宜必塞其闕示無所往則以軍爲家萬人同心三軍齊力并炊數日無火煙故爲毀亂寡弱之形敵人見我備之必輕告勵士卒令其奮怒陳伏良卒左右險阻擊鼓而出敵人若當疾擊務突前鬪後拓左右掎角○又問曰敵在吾圍伏而深謀示

我以利縈我以旗紛紛若亂不知所之奈何武曰千人操旂分塞要道輕兵進挑陣而勿轉交而勿去此敗謀之法。戰國魏武侯問吳起曰有師甚衆據險高壘守以強弩退如山移進如風雨糧食又多不能長久則如之何起曰車騎步從分軍五衢敵人必惑莫知所如敵若堅守急行間諜以觀計謀彼聽吾說解軍而去不聽吾說吾軍疾戰勝而勿追不勝疾歸或佯北安行設伏疾闕一結其後一絕其路兩軍銜枚或左或右而襲其處吾軍交至必有其利。又問曰谿谷險阻與敵相逢彼衆我寡則如之何起曰息而持之持弓滿弩且備且慮亂則擊之勿疑理則退後隨之凡過山谷丘陵勿留高山深谷卒然遇敵必先鼓譟乘之。又問曰左右高山地甚隘狹卒逢敵人擊之不敢去之不得爲之奈何起曰此爲谷戰勇者雖衆勿用募吾材士與敵相當輕足利刃以爲前行分車列騎退隱四方且拒且去乘勢不滅敵若堅陣行山列營應須更圖。又問敵近而薄我我無道路我衆甚懼爲之奈何對曰爲此之術我衆彼寡參分而裹之彼衆我寡合陣從之。又問曰若暴寇近薄驅我馬牛取我禾稼爲之奈何對曰寇暴之至善守而勿應彼將暮去其裝必重其心必恐退還務速必有不屬追而擊之其兵必散雖衆可破也。

自戰其地則敗

春秋時音人軍於蒲騷將與隨絞州蓼伐楚師楚

將屈瑕病之大夫鬬廉曰人軍其郊必不誠且日

虞四邑之至虞度也四邑隨絞州蓼也君次於郊郢以禦四邑謂

屈瑕也郊我以銳師宵於郢郢有虞心而恃其城其

近城莫有鬪志若敗郢師四邑必離從之遂敗郢師於

蒲騷○周末吳子問孫武曰散地士卒顧家不可與

戰則必固守固守不出敵攻我少城掠吾田野禁吾

樵采塞吾要道待吾空虛而急來攻則如之何武曰

敵人深入吾都多背城邑士卒以軍為家專志輕鬪

吾兵在國安土懷生以陣則不堅以鬪則不勝當集

人衆聚穀蓄帛保城避險遣輕兵絕其糧道彼挑戰

不得轉輸不至野無所掠三軍困餒而誘之可以有

功若欲戰必因勢勢者依險設伏無險則隱於天陰

昏昏霧出其不意襲其懈怠○後魏太武帝親征後

燕將慕容德於鄴戰前軍敗績德又欲攻之別駕韓

諱進曰今魏不可擊者四燕不宜動者三魏懸軍遠

入利在野戰一不可擊也深入近致兵死地二不可

擊也前鋒既敗後陣方固三不可擊也彼衆我寡四

不可擊也官軍自戰其地一不宜動動而不勝衆心

不固二不宜動隍池未修敵來無備三不宜動此皆

兵機也深溝高壘以逸待勞彼千里饋糧野無所掠

久則三軍靡費攻則士衆多斃師老釁生詳而圖之
可以捷也德曰韓別駕之言良平之策也

據險隘

周末吳子問孫武曰敵人保據山險常利而處之糧
食又足挑之則不出乘間則侵掠爲之奈何武曰分
兵守要謹備勿懈潛探其情密候其怠以利誘之禁
其樵牧久無所得自然變改待離其固奪其所愛敵
據險隘我能破之也。後漢末曹公使夏侯妙才張
郃屯漢中蜀先主進兵漢中次于陽平關南渡沔水
泂山稍前於是定軍勢作營妙才將兵來爭其地先
主命黃忠乘高鼓譟攻之大破妙才軍斬妙才曹公

自長安南征先主遙策之曰曹公雖來無能爲也
我必有漢川矣及曹公至先主歛衆據險終不交鋒
積日不戰兵士亡者多曹公果引軍退還先主遂有
漢中。魏將曹爽之伐蜀司馬景王同行出駱谷次
于興元蜀將王林夜襲景王營堅卧不動林退景王
謂諸將曰費禕已據險拒守不獲戰攻之不可宜亟
殲力還軍以爲後圖爽等引退禕來馳兵趣三嶺爭
險乃得過。東晉末大將宋武帝討南燕慕容超超
召群臣議拒晉師大將公孫五樓曰吾軍輕果所利
在速戰初鋒勇銳不可爭也宜據大岷使不得入曠
日延時阻其銳氣徐簡精騎二千循海而南絕其糧

運別勅段暉率交州之軍緣山東下腹背擊之上策也各命守宰依險自校其資備之外餘悉焚蕩芟除粟苗使敵無所資堅壁清野以待其弊中策也縱賊入峴出城逆戰下策也超曰吾京都殷盛戶口衆多未可以一時入守清苗布野非可卒芟設使芟苗城守以全性命朕所不能今據五州之強帶山河之固戰車萬乘鐵馬萬群縱令過峴至於平地徐以精騎踐之此成擒也其將慕容鎮曰若如聖旨必須平原用馬爲便宜出峴逆戰而不勝猶可退守不宜縱敵入峴自貽窘逼昔成安君不守井陘之險終屈於韓言者葛瞻不據東馬之險卒擒於鄧艾以爲天時不

如地利但守大峴策之上也超又不從晉乃攝苻登父二成修城隍簡士馬蓄銳以待之其夏晉師次東莞超遣其左軍段暉等步騎五萬進據臨洺俄而晉師度峴慕容超懼率兵四萬就段暉等于臨洺戰敗超奔還廣固朱武圍廣固數月而拔齊地悉平矣

塞險則勝否則敗

春秋時蔡侯具子唐侯伐楚舍舟於淮汭自豫章與楚夾漢豫章漢東江地名楚左司馬沈尹戌謂楚將子常曰子沿漢而與之上下沿緣也緣漢上下邊使勿渡我悉方城外以毀其舟以方城外人所舍舟還塞六隧直轅宜阨三皆漢東鳥革鳥革子濟漢而伐之我自後擊之必大敗之既謀而

行楚大夫武城黑謂子常曰吳用木也我用革也

器不可久也不如速戰大夫史皇謂子常曰楚人惡

子而好司馬若司馬毀吾舟于淮塞城口而入

道各是獨克吳也子必速戰不然不免乃濟漢而陣

自小別至於大別禹貢漢水至大別南入江三戰子

常知不可欲奔知其不可勝史皇曰安求其事政事難而

逃之將何所入子必死之子常違左司馬○漢將匈

奴呼韓耶單于來朝元帝以後官良家子王嬭音字

昭君賜單于單于歡喜上書曰願保塞上谷以西至

燉煌以罷邊備以休天子元帝下有司議郎中侯應

上言以為不可其畧曰自周秦漢興以來匈奴寇掠

甚矣其北邊有陰山東西二千餘里本自頓單于依

阻其中至孝武帝出師征伐斥奪此地攘之於漠北

建塞徼起亭隧築外城設屯戍以守之然後邊境少

安夫夷狄之情困則卑順強則驕逆天性然也前已

罷外城省亭隧今纔足以候視通烽火而已安不忘

危不可復罷且中國尚建關梁以制諸侯所以絕臣

下之覬覦起塞以來百有餘年非皆以土垣城因山

巖石木柴殫落谿谷水門卒徒築理功費久遠不可

勝計今欲以一切省徭戍十年之外倉卒他變障塞

破壞亭隧滅絕當更發屯繕理累世之功不可卒復

非所以求持至安威制百蠻之長策也帝納之具在邊防

後魏遣將伐後燕慕容寶已平并州潞川頓
勝寶在中山引群臣議之中山尹符謨曰魏軍強盛
千里轉鬪乘勝而來勇氣兼倍若逸騎平原形勢彌
盛殆難爲敵且杜險拒之中書令眭息爲邃曰魏軍
多騎師剽銳馬上齎糧不過旬月宜令郡縣聚十家
爲一堡深溝高壘清野待之至無所掠資食既罄不
過六旬自然窮退尚書封懿曰今魏師十萬天下之
勍敵也百姓雖欲營聚不足自固是則聚糧集兵以
資強寇且又動衆必示之以弱阻關拒戰計之上也
慕容麟曰魏今乘勝氣銳其鋒不可當宜完守設備
待其弊而乘之於是修城積粟爲持久之備魏攻中

山不討進據博陵魯口諸將觀風奔退郡縣悉降于

魏寶遠塞險○大唐武德中太宗圍王克於東都王

克之計故敗克勢窮寶建德自河北來救諸將及蕭瑀等咸請且
退師避之太宗不許曰王克糧盡內外離心我當不
勞攻擊坐收其弊耳建德新破孟海公將驕卒情今
我據武牢拒其機要若賊恃盛冒險爭鋒吾當攻之
必矣賊若不戰旬月之間王克自潰彼敗我振兵足
以臨之矣一行兩定在於斯舉若不速進賊入武牢
諸城新附必不能守二賊并力將若之何秦府記室
薛收進曰王克據東都府庫填積所患者在於乏食
是以爲我所持建德摠十餘萬衆來拒王師亦當盡

彼驍雄期於速戰若縱其兩寇相連轉河北之積以相資給則伊洛間戰鬪不已大王今欲親率猛銳先據成臯之險訓兵坐甲當彼疲弊之衆一戰必尅建德破則王克自下不過數旬二國之君可面縛麾下蕭瑀等奈何遂請退兵太宗曰善而從之留齊王元吉圍王克親率三千五百人趨武牢守之不與戰相待二十餘日五月建德謀伺官軍芻盡牧馬於河北必將襲武牢太宗聞之遂牧馬千餘匹於河渚間以誘之詰朝建德果悉衆而至陣於泥水東太宗候其陣又卒饑令宇文士及率騎經賊陣之西馳而南上賊陣動因而諸軍奮擊之大潰竟如太宗本策

死地勿攻

周末吳子問孫武曰吾師出境軍於敵人之地敵人
大至圍我數重欲突以出四塞不通欲勵士激衆使
之投命潰圍則如之何武曰深溝高壘示爲守備安
靜勿動以隱吾能告令三軍示不得已殺牛燔車以
嚮吾士燒盡糧食填夷井竈割髮捐冠絕去生慮將
無餘謀士有死志於是砥甲礪刃并氣一力或攻兩
傍震鼓疾譟敵人亦懼莫知所當銳卒分行疾攻其
後此是失道而求生故曰困而不謀者窮窮而不戰
者亡吳子曰若吾圍敵則如之何武曰山谷峻險難
以踰越謂之窮寇擊之之法伏卒隱廬閑其去道示

其走路求生透出必無鬪意因而擊之雖衆必破又
問曰吾在死地糧道已絕敵伏吾險進退不得則如
之何武曰燔吾蓄積盡我餘財激士勵衆使無生慮
鼓呼而衝進而勿顧失命爭強死而須鬪若敵在死
地士卒氣勇欲擊之法順而勿抗陰守其利絕其糧
道恐有奇兵隱而不覩使吾弓弩俱守其所○漢王
遣將韓信擊趙未至井陘口三十里止舍夜半傳發
傳今軍中便發也選輕騎二千人持一赤幟從間道草音蔽依山而觀趙軍誠曰趙見我走必空壁逐我
自覆蔽也汝疾入趙壁拔趙幟令其裨將傅歿曰今日破趙會
食信乃使萬人先行出背水陣趙軍遙見而大笑平

曰信建大將之旗鼓行出井陘口趙開壁擊之大戰
良久於是信走水上軍趙軍空壁逐信信已入水上
軍軍皆殊死戰不可敗信所出奇兵二千騎馳入趙
壁皆拔趙幟立漢赤幟趙軍攻信既不得還壁見漢
幟大驚遂亂遁走於是漢兵夾擊大破虜趙軍斬陳
餘泚音水水上擒趙王歇諸將因問信曰兵法右背山
林前左水澤今者將軍令臣等反背水陣破趙會食
臣等不服然竟以勝此何術也信曰此在兵法顧諸
君不察耳兵法不曰陷之死地而後生置之亡地而
後存且信非得素拊循士大夫也拊乎此所謂驅市
人而戰其勢非置之死地使人人自爲戰今與之生

地皆走寧尚可得而用之乎諸將皆服曰非所及也
○十六國後涼呂光遣二子紹纂伐段業南涼禿髮
烏孤遣其弟鹿孤及楊軌救業等軍盛欲三門關挾
山而東纂曰挾山示弱取敗之道不如結陣衝之彼
必憚我而不戰也紹乃引軍而南業將擊之其將沮
渠蒙遜諫曰楊軌恃虜騎之強有覬覦之志紹纂兵
在死地必決戰求生戰則有大山之安不戰則有累
卵之危業曰卿言是也乃按兵不戰紹亦難之各引
兵歸段業悞而不改○梁將陳慶之守滎陽城與後魏軍
相持自春至冬數千百戰師老氣衰魏之援兵復欲
築壘於軍後諸將恐腹背受敵議退師慶之曰共來

至此涉歷一歲靡費糧仗其數極多諸君並無鬥心
皆謀退縮豈是欲立功名直聚為抄暴耳吾聞置兵
死地乃可求生須虜圍合然後與戰必捷諸將壯其
計從之魏人犄角作十三城慶之銜枚夜出陷其四
壘所餘九城兵甲猶盛乃陳其俘誠鼓吹而攻遂大
奔潰斬獲略盡矣○後魏北齊神武興義兵於河北
時爾朱兆等四將兵馬號二十萬夾洹水而軍昔時
神武士馬不滿三萬以衆寡不敵遂於韓陵山爲圓
陳擊牛驢以塞道於是將士皆死戰四面奮擊大破
之齊神武士少天光等十倍圍而缺之神武因自塞其缺士皆有必死之志是以破敵也○南
齊北豫州刺史司馬洸難請降後周將楊忠與柱國

達奚武據之於是共率騎士五千人各乘馬一匹從
間道馳入齊境五百里前後遣三使報消難而皆不
返命去此豫州三十里武疑有變欲還忠曰有進死
無退生獨以千騎夜趨城下四面哨絕徒聞擊柝之
聲武親來麾數百騎以西忠勒餘騎不動候門開而
入乃馳遣召武時齊鎮城將伏敬遠勒甲士二千人
據東墮舉烽嚴警武憚之不欲保城乃多取財帛以
消難及其屬先歸忠以三千騎爲殿到洛南皆解鞍
而卧齊衆來追至於河北忠謂將士曰但飽食今在
死地賊必不敢渡水以當吾鋒食畢齊兵佯若渡水
忠馳將擊之齊兵不敢逼遂徐引而還○大唐衛公
李靖兵法曰若敵人在死地無可依固糧食已盡救
兵不至謂之窮寇擊此之法必開其去道勿使有闕
心雖衆可破當精騎分塞要道輕兵進而誘之陣而
勿戰敗謀之法也

總論地形附

大唐衛公李靖兵法曰軍志云失地之利士卒迷惑
三軍困敗饑飽勞逸地利爲寶不其然矣是以彼此
俱利之地則讓而設伏趨其所愛傍而襲之彼此不
利之地則引而佯去待其半出而邀擊之平易之所
則率騎而與陣險隘之處則勵步以及徒徃易歸難
左險右阻沮洳幽穢垣塹溝瀆此車之害地也有入

無出長馳迴驅大阜深谷洿泥塹澤此騎之敗地候
視相及限壑分川斯可以縱弓弩聲塵既接深林盛
薄斯可以奮矛鋌蘆葦深草則必用風火蔣潢翳蒼
則必率其伏平垣則方布汚斜則圓形左右俱高則
張翼後高前下則銳衝凡戰之道以地形為主虛實
爲佐變化爲輔不可專守險以求勝也仍須節之以
金鼓變之以權宜用逸待勞掩遲爲疾不明地利其
敗不旋踵矣或有進師行軍不因鄉導於危敗爲敵
所制左谷右山東馬懸車之逕前窮後絕鴈行魚貫
之巖兵陣未整而強敵忽臨進無所憑退無所固求
戰不得自守莫安住則日月稽留動則首尾受敵野

無水草軍乏資糧馬困人疲知窮力極一夫守隘萬
夫莫向如彼要害敵先據之如此之利我已知守縱
有饒兵利器亦何以施其用事至于此可不慎之哉
若此死地疾戰則存不戰則亡當須上下同心併氣
一力抽腸滅血一死一前因敗爲功轉禍爲福矣肥

前篇吳子孫
武問答語中

勵士決戰

兵者凶器不得已而用之戰者危
事亦必不常勝若非激勵無以成
功今故於死地勿攻
之後他皆類此也

昔周武王將伐紂問太公曰若今敵人圍我斷後絕
糧吾欲徐以爲陣以敗爲勝奈何太公曰不可此天
下之困兵也暴用之則勝徐用之則敗爲四衝陣以

驍騎驚其君親左軍疾右軍迭前迭後往敵之空吾
軍疾擊鼓呼而當○又問曰敵踈其陣又遠其後跳
我流矢以弱我弓弩矜我士卒爲之奈何太公曰發
我銳士先擊其前車騎獵其左右引而分隊以隨其
後三軍疾戰凡以少擊衆避之於易要之於險避之
於晝取之於夜故曰以一擊十莫善於阨以十擊百
莫善於險以千擊萬莫善於阻用衆者務易用少者
務阨也○戰國秦圍趙邯鄲急且降平原君甚患之
邯鄲傳舍子李同說平原君曰君不憂趙亡邪平原
君曰趙亡則勝爲虜何爲不憂乎李同曰邯鄲之民
炊骨易子而食可謂急矣而君之後宮以百數婢妾

被綺縠餘糧肉而人褐衣不完糟糠不厭或剡木爲
矛矢而君器物鍾磬自若使秦破趙君安得有此使
趙得全君何患無有今君誠能令夫人以下編於士
卒之間分功而作家之所有盡散以饗士土方其危
苦時易德耳於是平原君從之得敢死之士三千人
李同遂與之赴秦軍秦軍爲之却三千里會魏信陵
君以師來救秦軍而退○戰國齊上將田單率師將
攻狄魯仲連子曰將軍攻狄必不能下矣單曰吾以
破亡餘卒破萬乘之燕今攻狄而不能下何也上車
不謝而去遂攻狄三月不尅齊嬰兒謠曰大寇若箕
修劔拄頤單乃懼問魯仲連子對曰將軍在卽墨之

時坐則織簣立則杖鉦爲士卒倡當此之時將軍有死之心而士卒無生之志聞是言莫不掩泣奮臂而欲戰此所以破燕也當今將軍東有掖邑之封西有淄上之寶足以樂生而惡死此之所以不勝也田單明日結髮厲氣立於矢石之間引枹而鼓之狄人乃下○秦末秦軍攻趙兵渡河皆沈舩破釜燒廬舍持三日糧以示必死無一還心於是至則圍秦將王離九戰絕其甬道大破虜王離當是時楚兵冠諸侯諸侯軍救鉅鹿下者十餘壁皆莫敢縱及楚擊秦將諸侯皆從壁上觀楚戰士無不一當十楚兵呼聲動天地諸侯軍無不人人喘_之理_之恐○後漢將吳漢率

兵圍蘇茂於廣樂劉永將周建來救漢將輕騎迎戰不利墮馬傷膝還營諸將謂漢曰大敵在前而公傷臥衆心懼矣漢乃勃然裹瘡而起椎牛饗士令軍中曰賊衆雖多皆劫掠羣盜勝不相讓敗不相救非有仗節死義者也今日封侯之秋諸軍勉之於是軍士激怒人倍其氣明日建茂合兵圍漢漢選四部精兵三千餘人齊鼓而進建軍大潰還城漢長驅追擊大破之○十六國前秦苻堅將王猛討前燕慕容暉暉遣將慕容評屯於潞川以拒之猛與評相持遣裨將郭慶之以銳卒五千夜從間道出評營後傍山起火燒其輜重暉懼遣使讓評催之速戰猛知評賣水鬻

薪有可乘之會評又來戰乃陳於潞原而誓衆曰今
與諸軍深入賊地宜各勉進不可退也願戮力行間
以報恩顧受爵明君之前慶觴父母之室不亦美乎
衆皆奮勇破釜棄糧大呼競進猛觀評言之衆惡之
謂鄧羌曰今日之事非將軍莫可以捷將軍其勉之
羌曰若以司隸見與者公無以爲憂猛曰此非吾之
所及必以本郡太守萬戶侯相處羌不悅而退俄而
兵交猛召之羌寢而不應猛馳就許之羌於是大飲
帳中與張蚝徐成等蚝大跨馬運矛馳入評軍出入
數四傍若無人擊旗斬將殺傷其衆戰及日中大敗
評衆俘斬五萬○十六國前秦苻生爲姚萇所殺符

堅率兵伐姚萇皆刻鋒鎧爲死休字示以戰死爲志
每戰以長稍勾刃爲方圓大陣知其後薄從中分配
故人自爲戰所向無前○東晉末宋武帝作相舉兵
伐後秦姚泓以王鎮惡爲前鋒軍至渭橋鎮惡所乘
皆蒙衝小艦鎮惡登岸渭水流急倏忽聞諸艦悉逐
流去時泓屯軍在長安城下猶數萬人鎮惡撫慰士
卒曰卿諸人並家在江南此是長安城北門外去家
萬里而多舫乘衣糧並已逐流去豈復有求生之計
邪唯宜死戰可以立大功不然則無遺類耳乃身先
士卒衆亦知無復退路莫不騰踊爭先泓衆一時奔
潰卽陷長安地○隋時突厥入寇隋將楊素擊之先

是諸將與虜戰每慮胡騎奔突皆戎車步騎相參界
鹿角爲方陣騎在其內素謂人曰此乃自固之道非
取勝之方也於是悉除舊法令諸軍爲騎陣突厥頭
可汗聞之大喜率精騎十餘萬而至素奮擊大破之
素多權略乘機赴敵應變無刃然大抵馭戎嚴整有
犯軍令者立斬之無所寬貸每將臨寇求人過失而
斬之多者百餘人少者不下十數泣血盈前言笑自
若及其對陣二三百人赴敵陷陣而還者則已如不
能陷陣而還者無問少長悉斬之又令二三人復進
還如向法將士股慄有必死之心由是戰無不勝時

稱名將

衆寡勢百相懸廟士攻其師

王莽末劉伯升起兵光武守昆陽莽將王尋王邑來
討兵號百萬先至昆陽已十萬圍數重時伯升已投
宛中兵到而佯墮其書尋邑得之不喜諸將既經累
捷膽氣益壯無不一當百光武乃與敢死者二十人從
城西水上衝其中堅尋邑陣亂乘勢崩之遂殺王尋
城中亦鼓噪而出中外合勢震呼動天莽兵大潰走
者相騰踐

乘卒初銳用之

劉項爭天下之際漢王至南鄭諸將及士卒皆歌思
歸韓信說漢王曰項王諸將之有功者而王獨居南

鄭是遷也軍吏士卒皆山東之人日夜跋而思歸及其銳而用之可以有大功天下已定民皆自寧不可復用不如決策東向爭權天下漢王從之終滅項籍○後周末隋文帝作相遣將崔仲文先以兵定關東破尉遲迥將檀讓初仲文在蓼隄諸將皆曰軍自遠來士馬疲弊不可決勝仲文令三軍趣食列陣大戰既而破賊諸將皆請曰前兵疲不可交戰竟而克勝其計安在仲文笑曰吾所部將皆山東人果如進不宜持又乘勢擊之所以制勝諸將皆以爲非及也

激怒其衆

春秋時晉侯逆秦師使大夫韓簡視師復曰師少於

我聞士倍我公曰何故對曰出因其資謂秦梁入用

其寵所饑食其粟三施而無報是以來也今又擊

之我怠秦奮倍猶未也壬戌戰于韓原晉戎馬還澣

而止澣泥也還便旋也小秦伯獲晉侯以歸晉曲而

而怒所○春秋時楚子伐隋軍於漢淮之間隋將季

梁謂隋侯曰請下之弗許而後戰下之請所以怒我

而怠寇也隋少師曰必速戰不然將失楚師隋侯禦

之戰于速杞隋師敗績若用季梁之○戰國燕將騎

劫攻齊即墨齊將田單拒守妄宣言曰吾唯懼燕軍

之剽所得齊卒置之前行與我戰即墨敗矣燕人聞

之如其言城中人見齊諸降者盡剽皆怒堅守唯恐



見得田單又縱之友間曰吾懼燕人掘吾城外塚墓
戮先人可爲寒心班軍盡掘塚墓燒死人卽墨人從
城上遙見皆涕泣其欲出怒皆十倍大敗燕師○後
漢度尚爲荊州刺史討桂陽賊渠帥上陽潘鴻等從
入山谷尚窮追數百里遂入南海破其三屯多獲珍
寶而陽鴻等黨衆猶盛尚欲攻之而士卒驕富莫有
鬪心尚計緩之則不戰逼之必逃亡乃宣言上陽潘
鴻作賊十年習於牧守今兵寡少未易可進當須諸
郡所發悉至乃併力攻之申令軍中咨聽軍兵士喜
悅大小皆相與從禽尚乃密使所親客潛焚其營珍
積皆盡穢者來還莫不涕泣人人慰勞深自咎責因

曰上陽等財寶足富數代諸卿但不併力耳所亡小
小何足介意衆咸憤踊尚乃令秣馬蓐食明晨徑赴
賊屯陽鴻自以深固不復設備更士乘銳大破平之